



Cwestiynau cyffredin 2016/17

Cwestiwn

Pryd ddylai fy mhlentyn ymgeisio a faint o amser fydd yn cymryd?

A fydd yn rhaid i'm plentyn wneud ceisiadau ar wahân am y gwahanol grantiau a benthyciadau?

Ateb

Bydd y gwasanaeth ymgeisio am gyllid i fyfyrwyr yn agor yn gynnar yn 2015.

Gall wneud cais am gyllid i fyfyrwyr hyd yn oed os na fydd wedi sicrhau lle wedi'i gadarnhau mewn prifysgol neu goleg. Y dyddiad cau ar gyfer myfyrwyr newydd sy'n cychwyn ar gwrs yn 2016/17 yw 13 Mai 2016.

Unwaith y bydd y gwasanaeth ymgeisio yn agor, gall eich plentyn ymgeisio ar-lein ar:

www.cyllidmyfyrwycymru.co.uk

Dim ond un cais fydd angen iddo wneud er mwyn i ni asesu pa Fenthyciad Ffioedd Dysgu, Grant Ffioedd, Grant Dysgu Llywodraeth Cymru (grant costau byw), Benthyciad Cynhaliaeth, Lwfans Dysgu i Rien neu Grant Oedolion Dibynnol y mae modd iddo ei gael.

Os bydd yn gwneud cais am gymorth arall, megis y Lwfansau i Fyfywrwr Anabl neu'r Grant Gofal Plant, dylai ddweud wrthym yn ei brif gais a byddwn yn anfon ffurflen gais ar wahân ar gyfer y rhain. Gellir lawrlwytho'r ffurflenni hyn hefyd trwy droi at:

www.cyllidmyfyrwycymru.co.uk pan fydd y gwasanaeth yn agor.

Os yw ei gwrs yn cael ei ariannu gan y GIG, bydd angen iddo lenwi ffurflen gais am fwsariaeth GIG. Caiff Cynllun Bwsariaeth GIG Cymru ei redeg gan Uned Ddyfarniadau i Fyfywrwr GIG Cymru. Am wybodaeth bellach, trowch at:

www.nwsspstudentfinance.wales.nhs.uk/home

Gall prifysgolion a cholegau gynnig cymorth ychwanegol fel bwsariaethau ac ysgoloriaethau, a dylech eu holi beth sydd ar gael a sut i ymgeisio amdanynt.

Cwestiwn

Rydw i'n poeni am gyflwyno tystiolaeth. Beth fydd yn rhaid i mi ei wneud?

Mae gennyf blant eraill – a fydd hyn yn cael ei ystyried?

Sut fydd incwm y cartref yn cael ei asesu os nad yw'r rhieni gyda'i gilydd mwyach?

Pryd fydd fy mhlentyn yn cael gwybod faint y byddant yn ei gael?

Ateb

Fel arfer, ni fydd yn rhaid i chi anfon unrhyw dystiolaeth atom. Os yw'ch plentyn yn gwneud cais am gyllid i fyfyrwyr sy'n dibynnu ar incwm eich cartref, byddwn yn gofyn i chi roi manylion eich incwm i ni a'ch rhif Yswiriant Gwladol. Byddwn yn defnyddio'r wybodaeth hon i wirio eich incwm, sy'n cyflymu'r broses ymgeisio.

Mewn rhai achosion, byddwn yn cysylltu â chi'n uniongyrchol i ofyn am dystiolaeth benodol o incwm eich cartref; gallai hyn gynnwys llungopiau o'ch P60 neu'ch ffurflen dreth. Ni ddylech ofidio os bydd hyn yn digwydd – mae'n rhan o'n harchwiliadau ni i sicrhau bod eich plentyn yn cael y cyllid y mae'n gymwys i'w gael. Dylech anfon unrhyw dystiolaeth y byddwn yn gofyn amdani atom yn syth er mwyn i ni allu gorffen yr asesiad a gwneud y taliad cyntaf mewn pryd.

Gofynnir i'ch plentyn roi tystiolaeth i ni o'i fanylion personol; gall roi manylion ei basbort y DU dilys. Byddwn yn defnyddio'r rhain i gadarnhau ei fanylion personol – ni fydd angen iddo anfon ei basbort gwreiddiol.

Os nad oes ganddo basbort y DU dilys, bydd angen iddo anfon ei dystysgrif geni neu dystysgrif fabwysiadu y DU neu basbort dilys nad yw'n basbort y DU. Rhaid darparu'r ddogfen wreiddiol. Os yw'n anfon tystysgrif eni neu fabwysiadu'r Deyrnas Unedig, rhaid hefyd anfon 'Ffurflen Tystysgrif Eni neu Fabwysiadu' wedi ei llenwi y gellir ei lawrlwytho o: www.cyllidmyfyrwrcymru.co.uk

Bydd – byddwn yn eich holi am hyn fel rhan o'r cais. Yn ogystal, byddwn yn eich holi am unrhyw blant eraill a fydd yn y brifysgol neu'r coleg ar yr un pryd, ac yn ddibynol ar eich amgylchiadau, gallent gael mwy o gyllid.

Rydym yn asesu incwm y cartref y rhiant mae'r myfyriwr yn ariannol ddibynol arno, sef fel arfer y rhiant mae'r myfyriwr yn byw gydag ef neu hi. Mae incwm y cartref yn cynnwys incwm partner y rhiant hwnnw sy'n cyd-fyw gyda nhw, os oes un ganddynt.

Ar ôl i ni asesu eu cais, byddwn yn anfon llythyr Hawl i gael Cyllid i Fyfyrwyr atynt, er mwyn cadarnhau'r swm y mae modd iddynt ei gael. Mae modd iddynt gadw golwg ar eu cais hefyd trwy fewngofnodi i'w cyfrif trwy droi at: www.cyllidmyfyrwrcymru.co.uk

Cwestiwn

Pryd fydd fy mhlentyn yn cael ei daliadau grant/benthyciad cyntaf?

A allaf dalu rhywfaint o ffioedd dysgu fy mhlentyn neu ei ffioedd dysgu i gyd?

Beth fydd yn digwydd os bydd fy incwm yn gostwng, neu os byddaf yn colli fy ngwaith?

Beth fydd yn digwydd os bydd fy mhlentyn yn newid cwrs neu brifysgol?

A fydd yn rhaid i'm plentyn ymgeisio eto flwyddyn nesaf?

Ateb

Rhaid iddo wneud dau beth cyn y bydd y rhandaliad cyntaf yn cael ei dalu:

- llofnodi a dychwelyd y datganiad; a
- chofrestru ar ei gwrs er mwyn i'r brifysgol neu goleg allu rhoi gwybod i ni ei fod wedi cofrestru.

Yna, byddwn yn rhyddhau taliad cyntaf ei Fenthyciad Cynhaliaeth a Grant Dysgu Llywodraeth Cymru (neu Grant Cymorth Arbennig) i'w gyfrif banc. Fel arfer gwneir y taliad tri i bedwar diwrnod wedi i ni gael gwybod ei fod wedi cofrestru. Byddwn yn talu'r Benthyciad Ffioedd Dysgu a'r Grant Ffioedd i'r brifysgol neu'r coleg.

Oes, ond bydd angen i chi wneud trefniadau gyda'r brifysgol neu'r coleg i dalu unrhyw ffioedd dysgu. Hyd yn oed os byddwch yn dewis talu rhan o'r ffioedd dysgu, gall eich plentyn gael Benthyciad Ffioedd Dysgu a/neu Grant Ffioedd o hyd i dalu gweddill y costau.

Mae ein hasesiad ar gyfer Grant Dysgu Llywodraeth Cymru, Grant Cymorth Arbennig a Benthyciad Cynhaliaeth ychwanegol yn seiliedig ar incwm eich cartref ar gyfer blwyddyn dreth 2014-15.

Os yw'ch incwm yn ystod blwyddyn dreth 2016-17 yn debygol o fod o leiaf 15% yn is nag yr oedd yn 2014-15, gallwn asesu incwm eich cartref ar sail yr amcangyfrif hwnnw. Bydd angen i chi lawrlwytho a llenwi 'Ffurflen asesu incwm y flwyddyn gyfredol' – bydd y rhain ar gael o fis Ebrill 2016 trwy droi at: www.cyllidmyfyrwycymru.co.uk

Byddwn yn cysylltu â chi ar ddiwedd y flwyddyn i gadarnhau'ch incwm go iawn.

Cyn dechrau ei gwrs, gall ddiweddarau ei fanylion trwy fewngofnodi i'w gyfrif ar: www.cyllidmyfyrwycymru.co.uk a dweud wrthym am y newidiadau.

Ar ôl iddo gychwyn ar ei gwrs, dylai gysylltu â'i brifysgol am unrhyw newidiadau. Yna, bydd ei brifysgol neu goleg yn ein hysbysu.

Bydd. Byddwn yn cysylltu â'ch plentyn bob blwyddyn pan fydd hi'n bryd iddo ailymgeisio.

Cwestiwn

Pryd fydd yr ad-daliadau yn cychwyn?

A godir llog ar fenthyciadau myfyrwyr?

A allaf i neu fy mhlentyn ad-dalu rhywfaint o'r benthyciadau neu'r holl fenthyciadau yn gynnar?

Ateb

Ni fydd yn rhaid i fyfyrwyr sy'n mynd i'r brifysgol neu'r coleg yn 2016/17 wneud ad-daliadau nes y mis Ebrill ar ôl gorffen neu adael eu cwrs. Ac ar yr adeg honno hyd yn oed, ni fyddant yn gwneud unrhyw ad-daliadau nes bydd eu hincwm yn uwch na'r trothwy ad-dalu, sef £21,000 ar hyn o bryd.

Pan fydd y myfyriwr yn dechrau ad-dalu, bydd y swm y bydd yn ei ad-dalu yn seiliedig ar ei incwm, ac nid y swm y benthycodd. Pan fydd ei incwm dros £21,000, bydd yn talu 9% o'i incwm dros y trothwy hwn. Cesglir ad-daliadau yn awtomatig gan Gyllid a Thollau EM gyda'u trethi arferol.

Bydd, ychwanegir llog i'r benthyciadau cyn gynted ag y bydd y taliad cyntaf yn cael ei wneud i'ch plentyn neu ei brifysgol neu goleg.

Codir llog yn unol â'r gyfradd chwyddiant (Mynegai Prisiau Manwerthu [RPI]) a 3% yn ystod y cyfnod pan fydd yn astudio. O'r mis Ebrill ar ôl iddo adael neu orffen, bydd yn dechrau ad-dalu a gall y llog a godir amrywio, fel y dangosir isod.

Incwm y flwyddyn	Swm i'w ad-dalu
£21,000 neu lai	RPI
Rhwng £21,000 a £41,000	RPI + A hyd at 3%, yn ddibynnol ar incwm
£41,000 a throsodd	RPI +3%

Gallwch. Gallwch chi neu'ch plentyn wneud trefniadau gyda'r Cwmni Benthyciadau i Fyfyrwyr i ad-dalu rhywfaint o'r benthyciadau neu'r holl fenthyciadau yn gynnar.

Am ragor o wybodaeth, trowch at:
www.studentloanrepayment.co.uk

Mae Cyllid Myfyrwyr Cymru yn wasanaeth a ddarparir gan y Cwmni Benthyciadau i Fyfyrwyr. Rydym yn darparu cymorth ariannol ar ran Llywodraeth Cymru i fyfyrwyr o Gymru sy'n cychwyn ar gwrs addysg uwch yn y DU.



www.cyllidmyfyrwryrcymru.co.uk/ymarferwyr

[facebook.com/SFWales](https://www.facebook.com/SFWales)

twitter.com/SF_Wales

[youtube.com/SFWFILM](https://www.youtube.com/SFWFILM)

student finance wales
cyllid myfyrwyr cymru

